

# Kloschterräbe

## Blettli

### 50 Joor

### 1999

Ufflaag zer Fasnacht 1999: 6000 Stigg (unbeglaubiget)

Redagzioon by Ronny Burkhalter, Kloschterräbe 15,4052 Basel

Drugg by: Schneider Drugg  
Stöberstrooss 4  
4055 Basel



Dr südlig Hang vom Galgehuubel –  
das weiss z Basel jeede Duubel –  
het d Stadt, bevor me dert het ghänggt,  
em Abt vom Braitikloschter gschänggt  
und dä het in sym kurze Lääbe  
dert Wyy aabaut mit roote Rääbe.  
D Noochfaare vo däm Kloschterabt  
hän sich fräch dä Rääbärg gschnabbt,  
am Fuess vom Hiigel Hyyser baut,  
dr Galge-Hang massiv versaut.  
E baar vo däm Bewoonerhuffe,  
sin maischtens zämme ain go suffe,  
und wel si guet hän bloose kenne  
und schampar guet gsii sin im renne,  
hän si (gaischtig lyycht umnachtet)  
bschlosse: s wird «gefaasenachtet»!  
Doch wel kain vo dääne «Senne»  
het drumme oder pfyffe kenne,  
hän Maa und Frau (oo pfui und gruusig!)  
gsait mer mache Guggemuusig!  
Dasch anno 1949 gschee.  
Was bliiben isch, kasch hit no gsee.  
Als Clique hän sii sich persee,  
dr Namme Kloschterräbe gee.  
Gnapp ai joorzääntlang isch die Gugg  
an d Faasnacht gogen «ummejugge».  
Doch uff aimool hän die Gselle  
nimme go marschiere welle,  
us Fuulhait hän si gsait: C'est chic,  
mir wäärde jetz e Waage-Glygg  
und sythär het halt s Comité  
am Cortège son e Waage mee!  
Druff raast halt d Kloschterräbe wild  
uff iirem Waage dur s Faasnachtsbild,  
vo dr Mittlere- zer Wettstaibrugg  
e Baiz vo inne, zwai drei Schlugg,  
denn uff d Gass und wiider zrug  
immene Stress und Riisedrugg,  
am Waagen und am Grind e Bugg,  
denn e Halt und wiider e Schlugg,  
Geschtikuliere, kain loot lugg  
und noonemool iber die Mittleri Brugg,  
Mimoose, Zeedel, Intrigiere,  
hesch jon e Larve - nit schiniere -  
Wenns immer soo duet wyter goo,  
isch d Kloschterräbe lang no doo!

Süschee

**Mittleri Brugg -**

**50 Joor hii  
und zrug**